
Фурқат тумани ҳокими бошчилигига ҳафтанинг ҳар чоршанба куни секторлар раҳбарларининг сайёр қабули ўтказиб келинмоқда

Фурқат туманида аҳоли билан бевосита ва очиқ мулоқотни таъминлаш, уларни қийнаб келаётган муаммоларни аниқлаш ҳамда бартараф этиш юзасидан аниқ ва манзилли чоралар кўрилмоқда.

Фурқат тумани ҳокими Жаҳонгир Жуманов бошчилигига секторлар раҳбарлари билан биргаликда ўтказилган навбатдаги сайёр қабулида 20 нафарга яқин жисмоний ва юридик шахсларнинг мурожаатлари, таклиф ва муаммолари тингланди.

Қабул давомида фуқароларнинг инфратузилмаларни яхшилаш, кадастр, уй-жой билан боғлиқ муаммолар, бандлик, моддий ёрдам, тиббий хизмат ва бошқа масалалар билан боғлиқ мурожаатлари мутасадди ташкилотлар раҳбарлари иштирокида ўрганиб чиқилди.

Ҳар бир мурожаат дикқат билан эшитилиб, ўртага ташланган масалаларни ўз ўрнида, қўшимча ўрганиш талаб этадиган муаммоларни қисқа фурсатда ҳал этиш чоралари кўрилди.

Шу куннинг ўзида тиббий ёрдам кўрсатиш, уй-жой таъмири, тикув машинаси, моддий ёрдам олиш каби 5 та мурожаатлар ўз ечимини топди.

2023-03-02 09:08:24